

ASD Pfalzen - ACD Val Badia

Beigesteuert von Jonas
 Letzte Aktualisierung martedì, 01 agosto 2023

Domènia, 09. otober 2022

Gol nia fat, gol ciafé

Te na domènia domisdé d' altonn él gnü soghé la partida de campionat de 3. Categoria danter l' SSV Pfalzen y l' ACD Val Badia. Sön l' ciamp dal palé da Falzes él gnü soghé na partida dër combatüda cun la Val Badia che á spreché n gröm de ocaggiuns.

La partida mët man cun na grandiscima ocaggiun por la Val Badia bel al 2[^]. Schrott ciafa l' palé y lascia pié ia na bela trata sura la defenjiun, mo l' portier ti è ciamó al' ultim da devié l' palé sön la traversa dan che chësc vais fora de campo. Por udèi la proscima ocaggiun mëssun aspeté l' 28[^] canché l' Pfalzen á la poscibilitè da se porté in vantaje cun na trata de cé, mo chësta è massa debla y Frenademetz pó la paré saurí. Al 30[^] él la Val Badia che pëia ia cun na bela aziun. Canche l' palé röva te area él Pizzinini che passa a Bernardi che lascia pié ia na bela trata, mo ara vëgn parada dal portier. 2 menüc dedô, al 32[^], él Videsott che á na ocaggiun cun na trata cuntra porta aversara, mo chësta è zentrala y vëgn indô parada dal portier todësch. Al 33[^] él indô la Val Badia te area aversara cun na bela aziun, mo l' aziun devënta dër confujunala y i ladins perd tosc l' palé. Ala fin él ciamó Bernardi che prô la trata, mo chësta vá dlungia ia. Al 37[^] él indô i todësch che á na ocaggiun cun l' atacant che röva sú dan Frenademetz, mo chësc salva le resultat cun n gran intervënt. Al 42[^] él indô l' 1 ladin che salva l' resultat cun na gran parada, dô che n sogadú aversar á trat cuntra porta a püc metri de destanza. Al 45[^] él l' arbiter che ti scinca na trata dai önesc metri a Pfalzen. N gran fal dl' arbiter, deache l' defensur ladin ne á fat degun fal. L' önesc metri vëgn trasformé y i todësch se porta sön l' 1-0. N menüt dedô él l' arbiter che ti dá incé na trata dai önesc metri ai ladins che Pizzinini L. mët te porta y porta la partida indô söl pèr. 1-1. Al 47[^] él l' arbiter che sciüra la fin de n pröm tëmp cun tröpes ocaggiuns y tröc fai sön trames les perts.

L' secundo tëmp mët man cun na ocaggiun por l' Pfalzen al 47[^] cun na trata dal limit dl' area, saurida da paré por Frenademetz. Al 54[^] ti è la squadra da Falzes indô da se porté in vantaje. Dô na bela trata de puniziun él l' indemo sogadú che â bel fat l' pröm gol che salta de cé y tira l' palé te porta. 2-1. Al 62[^] él l' Pfalzen che vá dër dlungia al 3-1 cun na trata de puniziun che vá a sbaté sön l' pé de porta. Dër na bela trata da pert dl' sogadú todësch. Al 81[^] él la Val Badia che á l' ultima ocaggiun dla partida cun Del Negro che lascia pié ia na bela trata d' esterno da fora d' area, mo la trata è massa zentrala y insciö pó l' portier paré. Al 95[^], dô 5 menüc de recuper, él l' arbiter che sciüra la fin dla partida. Al è ste na partida cun gran intensité y tröpes ocaggiuns sön trames les perts. Tl secundo tëmp ne él nia plü sozedü tröp y insciö él incé la partida che se è rovada sön l' 2-1 por l' Pfalzen.

ASD Pfalzen - ACD Val Badia: 2 - 1

Formaziun ACD Val Badia: 1. Frenademetz Denis, 2. Miribung Alex, 3. Pellegrini Davide, 4. Crepez Omar, 5. Ploner Matteo, 6. Barbolini Florian, 7. Bernardi Luca (dal 56[^] 14. Emanuele Sintoni), 8. Stampfer Alex (dal 66[^] 16. Del Negro Roberto), 9. Videsott Max (dal 74[^] 17. Pizzinini David), 10. Pizzinini Luca, 11. Schrott Felix (dal 78[^] 18. Dallapiazza Simone).

Alenadus: Crepez Gianni/Hanspeter Graffonara.

Proscima partida: La proscima partida vëgn sogada n domènia, ai 16 de otober, dales 15:30 cuntra l' Dietsenheim sön l' ciamp dal palé da La Ila.